

## **Inuit Ataqtigiit Kattuffiat**

### **Naalackersuinikkut tunngaviumik siunnerfiit**

#### **Siulersuisuunerit 18. juni 2014 akuersaagaat**

Inuit Ataqtigiit Nunatta aningasarsiornikkut naalackersuinikkullu namminiilivinnissaa sulissuti-gaat, tamannalu piujartitsinermik tunngaveqarluni ingerlanneqassaaq. Pisuussutit ataatsimoorluta pigisavut inuiaqtigiinnut tamarmut iluaqutaatinneqassapput. Naalackersuinikkut sulinermi assi-giimmik naleqassuseq, ataqqeqatigiinneq nammaqtigiinnerlu tunngaviussapput.

Naligiisitaaneq naligiinnerlu, inuiaqtigiinni periarfissat assigiit, oqartussaaqataaneq inuillu pisin-naatitaaffii tunngaviumik naleqartitaraagut.

Piujartitsineq tunngavigalugu inuiaqtigiinnik ineriartortitserusuppugut, pisuussutinik uumassusi-linnik uumaatsunillu iluaquteqarniarneq, nutaaliorusussuseq, kulturikkut inooqtigiinnikkullu pa-tajaassuseq aningaasarsiornikkullu ineriartorneq tasioqtigiittumik ingerlaqtigiisillugit.

Piujartitsinermik tunngaveqarneq Inuit Ataqtigiit ataatsimut isiginninnittumik isumaqartippaat, tassani ilaatinneqarlutik avatangiisitigut, inooqtigiinnikkut, kulturikkut aningaasarsiornikkullu piujartitsineq.

Taamatuttaaq namminiilivinnissamik oqariartuuteqarnermi aningaasaqarniarnikkut naalackersui-nikkullu pissutsit kisimik Inuit Ataqtigiinnit pineqanngillat. Aningaasaqarniarnikkut naalackersui-nikkullu nammineersinnaanerup ineriartortinneranut peqatigitillugu inuiaqtigiinni inuit ataasiak-kaat imminnut, siunissamut inuiaqtigiinnullu akisussaassusermik tigusissapput, soorlutaaq inuia-qatigiit inunnut ataasiakkaanut akisussaassuseqassasut. Inunni ataasiakkaani kiisalu naalackersui-nikkut aningaasaqarniarnikkullu nammineersinnaaneq ilutigiimmik ineriartortinneqassaaq.

#### **Inuk ataatsimoorussinerlu**

Kissaatigaarput inuiaqtigiit nukittuut ataatsimoorussinermik tunngaveqartut, tassani innuttaasut ataatsimut inuttullu ataasiakkaatut pisariaqartitaat qitiutinneqassallutik. Tamanna ataqtigiissaak-kamik inatsisit aqutugalugit eqqanaarniarneqassaaq.

Siunissarput akisussaaffigaarput. Tamanna isumaqarpoq, inuttut ataasiakkaarluta ataatsimoorluta akisussaaffigipput kinguariit tulliuttussat periarfissanik ullumikkut atukkatsinnut assingusunik pit-saanagerusunilluunnit atugassaqtissallutigit.

Ataatsimoorluta akisussaaffigaarput, Nunarput meeqqatsinnut ernguttatsinnullu ingerlateqqitassar-put tassaassasoq inuiaqtigiit peqqissut, patajaatsut, naapertuilluartut, nammaqtigiissut ammasuu-sullu. Inuiaqtigiit nukittuumik ammasumillu oqartussaaqataanermik aaqqissugaasut, kikkunnik tamanik tapertaarusuttunik inissaqartitsisut. Inuiaqtigiit kulturikkut nukittussusaat nammaqati-giinnermiittoq. Inuit Ataqtigiit partiiuvoq kalaallit oqaluttuarisaanertik pillugu ilisimaarinninne-

rannik nukittorsaarusuttoq. Tassani qanga pisimasut nassuiaatissinnerisigut maanna pisut paasisinnaaqullugit, aammalu ataatsimoorluta ataasiakkaarlutalu siunissamut neriuutigisatsinnik pilersitsinnaaqulluta.

### **Naligiinneq atugarissaarnerlu**

Inuit Ataqtigiinnit pingaartinneqarpoq, inuiaqtigiit tamakkiisumik pisuussutaat sapinngisamik nammaqatigiinnerpaamik akisussaassuseqarnerpaamillu agguataarneqarnissaat. Nukissaqarnerpaat sanngiinnerpaanit nammataqarnerussapput, anguniagassaavorlu amerlanernik nukittunerulersitsinissaq. Naligiinngippallaarneq nunatsinni ineriartornermut tamarmut sequtserutitut nalilerparput. Tassani eqqarsaatigivagut aningaasaqarnikkut, ilinniakkatigut peqqissutsikkullu naligiinnginneq. Inuit Ataqtigiit kissaatigaat akileraaruseriaaseq inuttut atugarisanut naleqqussagaq naligiinermillu annertusaasoq.

Nalunngilarput Nunatsinni tamanut iluaqtissamik atortulersugaanerup tungaatigut naligiinnginneqarmat. Sulissutigaarput sapinngisamik assigiinnerpaamik peqqinnissaqarfimmum, meeqqat aturfiannut, peqqinnartunik nerisassanut angallannikkullu periarfissaqarnissaq, apeqqutaatinnagu illoqarfimmi nunaqarfimmiluunnit najugaarneq.

Inuit Ataqtigiit qitiutitatut pingaartitaraat Nunatsinni aamma siunissami atugarissaarnermut akissaqarnissarput. Aningaasaqarniarnikkut annertuunik unammilligassaqarpugut, taamaammallu akisussaassuseqarluartumik naalakkersuinikkut ingerlatsinissaq pisariaqarpoq. Taamaattumik isumaqarpugut peqqinnissaqarfiup, ilinniartitaanerup akileraartarnerullu tungaasigut nutarterinissaq pisariaqarluinnartoq, inuiaqtigiinni ataatsimut iluaqtittita nammaqatigiiffiunerpaamik agguataarnissaat angujumallugu.

Inuit Ataqtigiit peqqissuseq paasisarpaat ”timikkut, tarnikkut inooqtigiinnikkullu inuummarissuseqarnertut”. Ilisimavarput nunatsinni innuttaasut timikkut tarnikkullu peqqissutsimik tungaasigut annertuumik unammilligassaqartut.

Inuit Ataqtigiit atugarissaarneq inuiaqtigiinni inoqtitsinnut ikorfartorneqarnissamik pisariaqartitsisunut aamma ikorfartueqataassasoq isumaqartippaat. Inuiaqtigiit nukittuut ilisarnaatigaat atugarliornerusortaminnut illersuisuunissaq ikiuerusussuserlu. Taamaattumik meeqqat, inuusuttut, utoqqaat innar-luutillillu atukkamik pitsaasumik sullinneqarnissaat Inuit Ataqtigiinni pingaartipparput.

Inuit Ataqtigiit aamma pingaartippaat, inuiaqtigiinni ataatsimoorluta paasissagipput, tamatta imikkut innuttaasut pitsaanerpaamik atugassaqartitaallutik peqqinnerunissaat akisussaaffigigatsigu, imminut naleqartinneq imminullu ataqqineq ilanngullugit. Tassani pineqarput inooriaatsip kingunerisaanik nappaatit naalliuutillu peqqinnangippallaamik nerisaqarnermik, imigassamik ikiaroor-nartumillu atornerluinermit aallaavillit. Ilanngullugit pineqarput inuttut ajornartorsiutit, inersimasunik meeqqanillu nakuusernerit atornerluinerillu atugaavallaarnerat.

Ataatsimut akisussaaffigaarput, iliuuseqarneq eqeersimaartumillu isummersorneq aqutugalugit iki-oqtigiilluta Nunatsinni inuttut ajornartorsiutinut sakkortuunut peqqutaasut peerneqarnissaannut.

Tamatta pisussaaffigaarput ajornartorsiutit anigorniarnissaannut suleqataassalluta, tamattalu akisussaaffeqarpugut, inuttut ataasiakkaatut inuiaqatigiittullu.

Atoqatigeeriaatsini meeqqanut kinguaassiutitigut innimiilliortarneq allatigulluunniit soqquusaallortumik atoqatigiinnikkut pissusilersorneq, kanngutsaatsuliorneq akuersaanngilavut.

### **Naligiissitaaneq**

Inuit Ataqtigiit partiitut pilermatali arnat angutillu akornanni naligiissitaanissaat anguniarneqassa-soq maannamut suli qitiulluinarpoq. Maannamut annertuunik angusaqarnikuuvugut pingaartumik inatsisiliornikkut. Taamaakkaluortoq naligiissitaavineq angutserlugu suli annertuumik suliasaqar-pugut. Inuit Ataqtigiit nangillutik ilaqtariinnikkut, atoqatigeeriaatsit persuttaasarnerillu pillugit ilinniarti-taanikkullu naligiissitaanissat immikkut qitiutillugit suliniuteqartuarniarput. Taakku tun-gaasigut suli equngasoqarpoq.

Inuit Ataqtigiit isumarput suaiaqatinik aappaqartarneq paquminarunnaarsittariaqartoq. Suaiaqati-minnik aappaqartartut allattuulli pisinnaatitaaffeqarmata allat naligalugit pineqartariaqarput. Inui-aqatigiinni sumiuussutsikkut atoqatigereeriaasikkullu ikinnerussuteqartoqaraluarpuunniit taman-na namminerme ajornartorsiutaanngilaq.

Ikinnerussuteqarneq atoqatigeeriaaseqarnikkut, upperisarsiornikkut allatigulluunniit ersiuteqaralu-arpalluunnit, kikkut tamarmik naligiimmik pineqartussaapput.

### **Innutaaqativut Innarluutillit**

Inuit Ataqtigiit nunatsinni innutaaqativut innarluutillit illersorneqarnissaat, inuiaqatigiit ingerlan-eqarneranni ersarissumik pingaartuutinneqartuarnissaat atugassarititaasullu siuarsaavigineqartuar-nissaat sulissutigiuarumavaa. Innutaaqatitta innarluutillit atugaat annertuutigit pitsannguuteqarsi-mapput kisiannili suli unammilligassaqaqaagut. Innarluutillit pisinnaatitaaffii pillugit Naalagaaffiit Peqatigiit isumaqatigiissutaata Nunatsinnut atortuulersinneqareersimanagera atavartumik tigussaasu-nillu iliuuseqartuarnissatsinnik pisussaaffeqartippaatigut. Taamaattumik tamanna nalinginnarmik pisussaaffitsit isigalugu piviusunngortiteriffiussasoq suleqataaffiguassavarput.

Innutaaqativut innarluutillit inuiaqatigiinni allatuulli pisinnaataaffeqarput. Taamaattumik innarluu-tillit allatuulli assigiimmik pineqarlutik periarfissaqartitaassasut pingaaruteqartuuvoq. Inuit Ataqa-tigiinni innarluutillit eqqartoraangatsigit inuiaqatigiinni kikkut tamat timikkut, tarnikkut inooqati-giinnikkullu innarluutillit pineqartarput. Inuit Ataqtigiinnut pingaaruteqartorujussuuvoq, nunatsin-ni innuttaasut tamarmik inuiaqatigiit ingerlatitaaneranni periarfissarititaasunullu tamani akuutinne-qartarnissaat. Tamanna aamma innarluutilinnut tulluurtunik inissiat eqqarsaatigalugit, ilinniartitaa-nikkut suliffissaqartinneqarnikkullu periarfissanut allatigullu atugassaritinneqartunut atuuppoq.

Innarluutillit inuiaqatigiinnut ilaavissuupput, immikkut pineqassanngillat kisianni ikiortariaqarfim-mikkut ikiorneqassapput.

### **Piorsarsimassuseq, kalaallisut oqaatsivut kinaassuserlu**

Inuit Ataqtigiit kissaatigaat piorsarsimassutsikkut ingerlatsineq nunatsinnilu eqqumiitsulioriaatsit assigiingitsut nukittorsarneqassasut, inuiaqatigiinnut aammalu ataatsimoornermut pissarsiaqataa-sumik iluaqutaasumillu ineriartorsinnaaqullugit.

Eqqumiitsuliorneq piorsarsimassuserlu pisuussutitut naleqarnerulersitsisutut isigaavut, nammineq kinaassuseqarnitsinnik paasinnittariaasitsinnut pingaaruteqarluinnartoq, inuiaattut ataatsimoorne-runissatsinnut nukittorsaaqataasoq. Eqqumiitsuliorneq piorsarsimassuserlu aamma aningaasarsior-nikkut pisuussutitut isigaarput, tassami piorsarsimassutsikkut uummaarissumik pisoqarfiunerani periarfissarpasuit suli tamakkiisumik iluaqutiginiarneqanngillat.

Akueraarput pingaartitalugulu nunarput assigiinngisitaartunik oqaaseqarfiummat, peqatigisaanillu oqaatsinik ilinniartitsineq nukittorsarusupparput, kalaallisut, qallunaatut oqaatsillu allat eqqarsaati-galugit. Pingaartipparput kalaallit oqaatsitta paarilluarnissaat, aamma tapersorsorparput suliffeqar-finni tamanut ammasuni oqaatsitta ersarinnerusumik atugaalernissaat. Ilutigisaanik ilisimaarilluar-parput oqaatsit Nunatsinni nunanilu allani ilinniarnissamat matuersaataammata, sulissutigaaarpullu nunatsinni meerartatta inuusuttortattalu minnerpaamik kalaallisut, qallunatut tulluttullu meeqqat atuarfianni ilikkagaqartarnissaat.

Inuit Ataqtigiit kalaallit oqaatsitta nunatsinni pingaarnersaani naqissuserumavaat. Oqaatsitta pi-ngaarnersatut ineriartortittuarnissaat pingaartipparput. Meeqquerivinni, meeqqat atuarfianni ilinniar-finnilu oqaatsitta ilikkarluarneqarnissaat pingaartipparput.

Inuit Ataqtigiit Nunatsinni oqaatsinut politikki tapersorsorpaat, ineriartortittuarnissaalu periarfis-sarsiuuttassallugu.

Inuit Ataqtigiit kalaallisut oqalunnermik ilinniarumasut periarfissaqarluartinniarumavaat.

Inuit Ataqtigiit oqaatsitta saniatigut allamiut oqaasiinik pisinnaasaqarneq pingaartippaat, taakku-nunngalu ilinniarfiusinnaasut periarfissarsioruarumallugit.

Inuit Ataqtigiit isumaqarput oqaatsit pillugit mattussisoqartassanngitsoq periarfissanilli ammaassu-isoqartassasoq, soorlu danskisut inorsartut ilinniarfinnut atorfinnulluunniit mattunneqannginnissaat periarfissarsioruarumavarput.

Inuit Ataqtigiit kalaallisut sumiorpaluutit erialugit atuuttuarnissaat pingaartippaat.

Inuit Ataqtigiit aamma pingaartilluinnarpaat, meerartatta inuusuttattalu meeraanermiilli peror-saariaatsitsigut ilikkarsinnaassuseqarnikkullu pitsaanerpaamik atugassaqartitaanissaat qulakkeer-ne-qassasoq. Nunatsinni meeqqueriviit atuarfiillu suleqataaffigissavaat meeqqat sakkussaqaartilissallugit inuttut nammineersinnaassusilittut alapernaatsutullu inerinnissaannut. Nunarput nunattalu oqaluttu-arisaanera pillugu ataatsimoorussamik ilisimasaqarneq toqqammavigalugu meeqqat inuusuttullu inuiaqatigiinnik sunniuteqaqataassapput ilinniaqatiginnissaminnullu sapiissuseqalerlutik.

Kalaallit Nunaat tassaavoq inuiaqatigiit piorsarsimassutsikkut oqaatsitigullu assigiinngisitaartunik atuiffiusoq. Inuit Ataqtigiit ataatsimoorneq nammaqatigiinnerlu Kalaallit Nunaanni nutaaliaasumi qitiutitaraat. Ineritikkusupparput nuna assigiinngitsuusinnaanermik inissaqartitsisoq. Qilaatersorneq

inngertarnerlu uummarissarneqaqqissaq ineriartortinneqarlunilu kikkut tamat qilaatersornerup nakussatsitsisarnera pissaanermillu tunisisarnera ilisimalerniassammassuk.

### **Ilinniartitaaneq**

Inuit Ataqtigiit ilinniartitaaneq inuiaqtigiit patajaatsumik ingerlaneranni qitiulluinnartutut isigaat. Innuttaasut inuiaat ingerlanerat sunniuteqarfigalugu siuttuuffigissappassuk ilinniartitaaneq tamatumunga qulakkeerinnittussaavoq. Ilinniartitaanerup patajaatsup sorlaqarfimmit aallartiffigaa meraaqqerivik meeqqerivillu. Taakkunani aallartinnermi qulakkiigassaraarput perorsaaniikkut atugasarititaasut tamakkiernerpaamik pitsaassusillit. Taamatullu pingaartigaaq meeqqat timiminnik atuiluartuunissaat inuunermi ingerlaqqinnerani atuarniarnikkut ajornartorsiutigeratarsinnaasai siorngelugit annikinnerpaamiitinnissaat. Isumannaagassatta ilagaattaq allamiut oqaasiinik ilinnialernissamut nipinik malussarissusaasa eqqummaariffiginissaat, tamatumuuna meeqqat atuarfimmuot ikaarsaarnermi aporfeqannginnerpaamik atugassaqarnissaat qulakkeerumallugu. Periutsit tamaku isumannaarnerisigut qulakkiissavarput meeqqat atuarfiat isumannaatsumik naammassisaqarfiusoq meeqqat tamarmik ilinniarnissaannut qajannaatsumik isumannaarisooq.

Soorunami atuartitaanermut ilinniarnermullu pinngitsoorneqarsinnaanngilaq oqaatsinik ilinniartitsinnermi allatigullu ikiorneqartariaqartut siunnersorluarneqarnissaat. Inuit Ataqtigiit ilinniartitaanerup ingerlaavartumik nalilersorneqartuarnissaa pingaartilluinnarpaat.

### **Anersaakkut inuuneq**

Anersaakkut inuuneq tassaavoq perorsaanermi, inersimasutut inuunermi utoqqalinermilu kikkulluunniit inuunermi ajaappissatut toqqamavigisartagaat. Taamaammat kikkulluunniit qanorluunniit ittumik anersaakkut inuunermi tunngavigerusutaminnik tunngaveqarnissartik inuttut pisinnaatitaaffigaat. Inuttulli pisinnaatitaaffik taanna kikkunnulluunniit atuukkami inoqatit pisinnaatitaaffiut allanut killilersuisuussanngilaq immikkoortitsinermullu tunngaviussanani.

Anersaakkut inuunermi ataqpeqatigiinneq pilersikkumallugu anersaakkut inuunermi tunngavigisat, upperisat, isumaliortaatsit, nalinginnaanerusut tamarmik meeqqat atuarfiini ilinniarfinnilu qaamarsaatigineqartassapput.

Inuiaqtigiit anersaakkut tunngavigisaminnik ingerlatsinermi inuiaqtigiinnit tapersorsorneqarsinnaapput tamanna amerlanernit kissaatigineqarpat inunnullu amerlanerussuteqartunut atuutissappat. Ikinnerussuteqartulli aamma inuiaqtigiinnit tapersorsorneqarnissaminnut periarfissaqartitaassapput.

Inuiaqtigiit piumassusillit, anersaakkut nukissallit, eqeersimaartut, piginnaasaminnillu ilisimaarinillutik siuarsarusuttut pilersinneqarnissaat anersaakkut suliniarnermi pingaartilluinnartariaqarpoq. Inuit oqarsinnaassusillit pilersikkusuppavut.

### **Inuiaqtigiit kalaallit pingaartitaat**

Inuiaqtigiit kalaallit Inunnit issittormiunit kingoqqisuuppup taamalu issittormiutut kinaassuserput sernissugaraarput. Kinassutsitta nukittorsartuarnissaa sulissutigaarput aamma nunarsuarmioqatitta akornanni.

Ukiut ingerlaneranni inuiattut atugasarititaasut ilungersunartunik atugassaqarluta napasinnaasimnerput ilisarnaatigaarput. Tamanna pisinnaasimavoq pissarititaasut ataatsimoortutut agguaqatigiit-tarsimanerisigut, inuuniarnermi sutigut tamatigut tapersorsoqatigiinnertigut, pinngortitamik uumasorpasuinillu ataqqinnikkut suullu uumassusillit tamarmik kiffaanngissuseqarnerannik ataqqinnikkut. Tamaku erialagalugillu ineriartorteqqittuarumavagut

## **Kalaallit ileqqutoqaat**

Kalaallit inuusaatsimikkut ileqqutoqaat inuiaqatigiinnguani ikittunnguakkuutaarlutik inooqatigiisuni eqqisseqatigiinnermik, nammineersinnaassusermik, ataqeqatigiinnermillu pilersitsisunngorlutik ukiorparujussuarni ineriartortinneqarsimapput. Taamaammat ileqqutoqqat tamakku nassaa-reqqinniarneqassapput iluaqutaalluartortaallu pigiliunneqaqqissallutik. Soorlu imminut napatik-kusulluni piumaffiginikkut, ilaqtutanut nunaqqatinullu akisussaaqataanermik pigisaqarnikkut.

## **Inuutissarsiutit tunisassiornerlu**

Inuit Ataqtigiit kissaatigaat inuutissarsiorneq arlariikkuutaatigut ingerlatsiviusoq ineriartortissallugu. Inuit Ataqtigiit tamatuma piviusunngornissaa suliniutigaat. Inuutissarsiorfiit amerlanerit pilersinnerisigut aamma ullumikkut pingaarnertut inuutissarsiuterput, aalisarneq, iluaqusissavarput. Inuit Ataqtigiit kissaatigaat inuutissarsiutinik nutaanik inerisaanermi ataatsimut isiginninneq aallaaviussasoq, taamaalilluni aalajangiiniarnerni nuna tamakkerlugu akuliutsinneqartassalluni aammalu suliniutit ataasiakkaat inuiaqatigiinnut ataatsimut isigalugu sunniuteqarnissaat nalilersuutaassalluni. Inuit Ataqtigiit pingaartilluinnarpaat, sulisinnaasut nunatsinneersut inerisaanermi matumani ilinniartinneqarlutillu akuutinneqartarnissaat. Uumaatsunik iluaquteqartariaqarnerup akuerinera isumaqarpoq ilaqtutat qimakkallarlugit suliarortarsinnaanermik.

Uumassusilinnik pisuussutitsinnik avammut nioqquteqarnerneq suli ukiorpassuarni tulliuuttuni pingaarnarpaajulluni Nunatsinnut isertitsitsissutaasussaavoq. Taamaattumik uumassusilinnik pisuussutitta iluaqutiginiarneri ilisimatuussutsikkut paasisat, innuttaasut ilisimasatoqaat aammalu nunanut allanut isumaqatigissutinik eqquutsitsineq tunngavigalugit piujuartitsisumik aqunneqarnissaat Inuit Ataqtigiit qitiusutut pingaartitaraat. Ilisimavarputtaaqnunatsinnit Issittumilu inuiannit allanit uumassusilinnik iluaquteqarniarneq nunat tamalaat akornanni akornusersorniarneqartuartoq, ilaatigut puisit arferillu eqqarsaatigalugit.

Inuit Ataqtigiit ajornartorsiummut tassunga suleriaasissaat tassaavoq, pisuussutinik sumiiffinni nunatta pigisaaniittunik iluaquteqarniarnissatsinnut pisinnaatitaaffivut sorsuutigiuassagatsigit aammalu taamatut iluaquteqarnitsinni sapinngisamik annertunerpaamik piujuartitsinermik tunngaveqarluni ingerlatsisoqarnissaa qulakkeerniassagipput. Peqatigisaanik pingaartipparput, nunarsuarmioqatitsinnut paasitinniarsarissagatsigu immikkuullarissumik avatangiiseqarlutalu inooriaaseqaratta, aammalu inuiattut pisinnaatitaaffigigipput taamatut inooriaaseqarnitsinnik attassiinnarnissarput aammalu pi-niarnermik inuutissarsiuuteqarnitsinnik ineriartortitsisinnaanissarput, aamma aningaasaqarniarnik-kut. Inuit Ataqtigiit pimoorussamik anguniagarivaat, inuussutissanik immitsinnut pilersornerunis-sarput, tamatumani nunanik allanik suleqateqarneq pinngortitatsinnillu aqutseriaaserput pingaarutilimmik inissisimapput.

Nunalerineq uumasuuteqarnerlu piniarneq aalisarnerlu peqatigalugit ineriartortinneqassapput immitsinnut pilersorsinnaaneq avammullu tunisassiorneq siunertaralugit. Pinngortitamut ataqtigiisakkamik aqutseriaaseq inerisarneqassaaq, aamma sumiiffinni najugallit atuisullu ilisimasaat pisuussutivut uumassusillit pillugit aqutsisoqarfinni ilisimatusarfinnilu ingerlatanut ilaatinneqartarnerat nanginneqassaaq.

Aatsitassat uranimik akullitaatsitassallu allat qinngornernik ulorianartunik akullit piiarneqarnissaat avammullu nioqqutigineqarnissaat Inuit Ataqtigiit akerlerivaat. Suli anguniartuarumavarput

apeqqut tamanna pillugu innuttaasut annertunerpaamik peqataatinneqareerlutik kikkut tamat oqartussaaqataatinneqarnerat aallaavigalugu taasitinneqassasut. Tamannali innuttaasut peqqissaartumik aammalu arlaannaannulluunniit pituttugaanngitsumik paasititsiniaavigineqareernerisigut aatsaat pissaaq.

Inuiaqatigiittut immikkuullarissumik kinaassuseqarnerput pinngortitamik aallaavilik tulluusimaarutigissavarput ineriartortissallugulu, aammalu eqqumiitsuliornikkut, inuussutissarsiornikkut anersaakkullu siuariartuutigissallugu.

Avatangiisit inuussutissarsiornermut pingaassusiat erseqqissarneqartariaqarpoq. Inuussutissarsiutitigut nutarteriniartuarneq ileqquliunneqassaaq, inuussutissarsiutinillu nutarteriuarnerup naalakkersuinikkut allaffissornikkullu ajornannginnerulernissaa inuiaqatigiit sulissutigiuassavaat.

Inuiaqatigiit kalaallit annerpaamik pisuussutinik uumassusilinnik tunisassiornermik inuussutissarsiuteqartuupput.

Tunisassiornerlu inuiaqatigiinni kikkunnut amerlanerpaanut iluaqutaassappat akilersinnaassuseq suliffissaqartitsinerlu oqimaalutarluarneqaaqqissaartariaqarput inuit sapinngisamik amerlanerpaat suliffissaqartissinnaajumallugit. Pilertornerpaamik pisariinnerpaamillu aningaasarsiornissaaq kisiat pinagu aamma inuiaqatigiit massakkut inuusut kinguaassallu sapinngisamik atugarissaarnissaannut tunisassiorneq aqqaataassaaq.

### **Angallanneq pilersuinerlu**

Inuiaqatigiit nammaqatigiissut angallannikkut pilersuinikkullu kikkut amerlanerpaat akilersinnaasaannik atugassaqartitsissapput taakkulu nammaqatigiillutik akilersugarissallugit. Angallannermi pilersuinermilu atortulersuutit inoqarfiit ataasiakkaat, nunap immikkoortuisa nunallu tamarmi pisariaqartitsineri oqimaqatigiissaarlugit innuttaasunut nammaqatigiinnikkut atugassanngortinneqartassapput.

**Issittumi atominik sakkussianut atomillu nukinganik nukissiuuteqarnermut naaggaarpugut-** Pinngortitarsuaq issittumiittoq issittormiut nunarsuullu sinnerata inuussutissanik peqqumaasivigaa, inuiaat issittor-miut pinngortitarsuup pissarititaanik annertuumik suli inuussutissarsisartut allarpasuit assigalugit. Taamaammat uagut issittormiuusugut namminerisatsinnik immikkorluinnaq soqutigisaraarput uranimik akullit aatsitassallu allat qinngornernik ulorianartunik akullit piiarneqarnerisigut pinngortitarsuatta mingutsinneqannginnissaa aammalu atomip nukinganik nukissiorfiit imaluunniit angallatit atomip nukinga atorlugu ingerlatillit ajutoornerisigut qinngornernik ulorianartunik akulinnik pinngortitarsuup issittumiittup mingutsitaannginnissaa aammalu atomip igitasartaanut eqqaavinngor-tinneqannginnissaa.

Taamatuttaaq isumaqarpugut nunat pissaanilissuit atominik sakkussiaqartiternertik annikillisaaffigissagaat. Issittoq eqqissisimaffiussaaq siunissamilu taamaattuaannassalluni.

Taamaammat Inuit Ataqatigiit politikkiat ersarippoq: Issittumi atominik sakkussianut atomillu nukinganik nukissiuuteqarnermut naaggaarpugut.

### **Innuttaasut oqartussaaqataanerat**

Inuit Ataqatigiit tamat oqartussaaqataanerat nukittoq innuttaasut qanimut peqataatinneqarnerannik qulakkeerinnittoq kissaatigaat aammalu demokrati tunngavigalugu paasinnineq sumiffinnilu qanimut oqartussaaqataatitsineq nukittorsartuarumallugu.

Minnerunngitsumik ukiuni makkunani, nunatta namminersorneq pillugu inatsit tunngavigalugu aat-sitassatigut oqartussaaffimmik tigusisimalernerata aammalu akisussaaffinnik allanik tigusisussaane-rata nalaani, aqutseriaaseq nukittoq ammasorlu aalajangiisarnernilu innuttaasut paasitsitsiniaavigi-neqareernerinik peqataatitsinermillu tunngaveqartinneqartoq, pingaaruteqarluinnarpoq. Innuttaasut qanimut peqataatinneqartuarnissaat nukittorsaavigineqassasq Inuit Ataqatigiinnut qitiulluinnarpoq.

Inuit Ataqatigiit pingaartuutippaat, naalackersuinikkut ingerlatsinermi innutaasunik peqataatitsiniar-nermi qanimullu oqartussaaqataatitsinermi tunngavigineqartut nutaamik nalilersuiffigeqqittariaqar-tut. Illoqarfiit nunaqarfiillu tamarmik akuutinneqassapput, qulaajarneqassaarlu qanoq iliornikkut na-jugaqarfiit ataasiakkaat ineriartornermut taama ittumut pitsaanerpaamik ilaatinniarneqarsinnaaner-sut. Pingaartuuvoq ingerlaavartumik naalackersuinikkut atuutilersissimasanik nalilersuisarnissaq, assersuutigalu kommuunerujussuarnik pilersitsineq, nassuerutigisariaqarparpullu taamatut aaqqis-suussinerup kingunerisaanik nunaqarfiit illoqarfiillu amerlasuut pisortat ingerlatsiviinut ungasinne-rulersimmata. Ataatsimoorluta piffissamut ungasinnerusumut atasinnaasunik qanimut oqartussa-qataanerup atuuteqqilernissaata qulakkeerneqarnissaanut iluarsisutissanik nassaarniartariaqarpu-gut.

Inuit Ataqatigiit nangittumik ilungersuutigissavaat paasiuminartumik, ammasumik unneqqarissu-millu naalackersuinikkut ingerlatseriaaseqarnissarput. Kiffartuussinermi peqquserluttarnernik akiui-niarneq inuillu pisinnaatitaaffii, suliffeqarfiit isumaginninnikkut akisussaaqataanerat innuttaasunillu akuutitsisarneq siuarsarneqassapput.

### **Siunissaq**

Namminersorneq pillugu isumaqatigiissutikkut Nunatsinni nammineq tunngaviumsumik inatsisis-satsinnik suliamik aallartitsisinnaanermut pisinnaatitaaffeqarnerput qulakkeerneqarpoq, nammi-nersornerlu pillugu inatsit immi Nunatta aningaasatigut naalackersuinikkullu namminiilivinnis-saanik ineriartortitsisinnaanermut sinaakkusiisuvoq.

Inuit Ataqatigiit pingaartippaat, tunngaviumsumik inatsisissamut piareersaataasumik sulinerup sapin-ngisamik piaarnerpaamik aallartinneqarnissaa. Suliami tassani innuttaasut sapinngisamik annertu-nerpaamik akuutinneqassapput isumagineqassaarlu inuiaqatigiinni tunngaviumsumik naleqartitavut pillugit oqallittoqarnissaa.

Aamma Inuit Ataqatigiit pingaartitaraat, aningaasatigut ineriartortitsineq avatangiisitigut, inuia-qatigiinni isumaginninnikkullu piujuaannartitsinissaq tunngavigalugu ingerlanneqassasq.

Nunatta tunngaviumsumik inatsisissaanut piareersaataasumik sulineq tunngaviliilluartuussaaq nunatta kinguariinnit tulluittunit ineriartorteqqinneqarnissaanut. Suliami inuit pisinnaatitaaffii, kikkut ta-marmik oqartussaaqataanerat akisussaaqataanerlu eqqarsaatigineqartuassapput, kiisalu aamma inui-aqati-giit akornanni nunatta, imartatta pisuussutittalu piujuaannartitsineq tunngavigalugu atuisari-aqar-nerannik sammiveqassalluni.



Peqatigisaanik tunngaviusumik inatsisissamik piareersaataasumik suliaqarnermi erseqqissaavigineqassaaq siunissami Kalaallit Nunaat namminersulivissimasoq silarsuarmioqatigiit akornanni qanoq inissisimassanersoq.

### **Nunarput nunarsuarmi**

Namminersornerup eqqunneqarnerata kingorna – ammalu silap pissusaata allanngoriartornera ilutigalugu– Nunarput sukkaqisumik nunarsuarmioqatigiinnut nammineerluni akuulernikuuvoq. Issitup soqutigineqarnera annertoorujussuanngoriataarnikuuvoq, Nunattalu pingaaruteqassusaa aatsaat taamak annertutigilerpoq, nunarsuarmi sumi inissisimanerput aammalu illersornissakkut sillimaniarnikkullu soqutigineqarnerput tunngaviulluni.

Inuit Ataqtigiit pingaartippaat, nunat tamalaat akornanni oqallinnermi Nunatta sunniuteqarsinnaalunilu uppernassuseqartuunissaa. Nunarput nunat tamalaat akornanni pingaarutilimmik isumaqatigiinniarnikkullu peqataasassaaq, nipi ersarissaq atorlugu, uagut kisitta pinnata aammali silarsuarmi naalagaaffiit mikisut allat nunallu inoqqaavi pillugit.

Issittumi Nunatsinnilu susoqarneranik avataanit annertunerujartuinnartumik alaatsinaanneqarnerput uagut tungitsinnit akisussaassuseqarluartumik pissusilersornissatsinnik piumasaaqartitsivoq. Nunarput naalagaaffinnut angisuunut inuttoqisunullu sanilliullugu oqimaalutarneqartassaaq. Taamaattumik nunarsuaq tamakkerlugu nammaqatigiinneq kikkullu tamarmik oqartussaaqataanerannik ingerlatsineq pillugu sorsuuteqarneq Inuit Ataqtigiit qitiusutut naleqartippaat.

Nunatta sumi inissisimanagera tunngavigalugu **nunarsuarmioqatigiinnut** sunniuteqarnerput aammalu pinngortitatsinni pisuussutaativut, uumassusillit uumassuseqanngitsullu, pequtugalugit Nunarput nunat tamalaat akornanni pingaartinneqartut inissisimavoq. Nunatsinni nunap iluani, qaqqani immamilu pisuussutit nassaassaapput, nunanit allarpassuarnit soqutigineqarluinnartut. Naalagaaffinnik allanik nunanilu allani suliffeqarfissuarnik isumaqatigiinniarnikkullu ingerlataqaraangatta tassaa sarpoq tigussaasumik nunanut allanut sillimaniarnermullu politikkimik ingerlatsisugut. Tamanna pisarpoq, naak oqartussaaqarfiit taakku namminersorneq pillugu isumaqatigiissut malillugu tamakkiisumik nammineq oqartussaafigilersimannikkaluarigut.

Taamaattumik Inuit Ataqtigiit pingaartippaat, nunanut allanut tunngasumik politikkip tungaatigut peqataasarnitta, ilisimasatta piginnaanittalu ingerlaavartumik annertusarnissaat.

Nunatsinni suliaasaqaqaagut, kisianni aamma nunarsuup sinneranut akisussaaqataavugut. Inuit Ataqtigiit tamatigut anguniarusuppaa, Nunatta nunanut allanut isumaqatigiissutit tunngavigalugit pisussaaffimminik eqquutsitsisarnissaaa, aammalu immitsinnut **nunarsuarmioqataasutut** kikkullu **tamarmik** oqartussaaqataanerannik nammaqatigiinnermillu illersuisutut isigissasugut.

Inuit Ataqtigiit isumaqarput, inuiaqatigiinni tamatta atorfissaqartinneqartugut aammalu ataatsimoorluta nunarput immitsinnut kinguaatsinnullu iluaqtissaajuaqqullugu ineriartortissagipput. Inunik ataasiakkaanik inuiaqatigiinnillu ataqqinnineq tunngavigalugu Inuit Ataqtigiit sulissutigaat kikkut tamat assigiimmik periarfissaqassasut inuunermikkullu periarfissaminnillu ineriartortitsinissaminut.